



## ACTA DA SESIÓN EXTRAORDINARIA CELEBRADA POLO CONCELLO PLENO O DÍA 23 DE MARZO DE 2010.-

<u>Sres. Asistentes.</u>	
<u>Sr. Alcalde:</u> Dn. Julio Ignacio Iglesias Redondo <u>Sres. Concelleiros:</u> Dna M <sup>a</sup> Victoria Montenegro Paz Dna Ana M <sup>a</sup> Fernandez Coira Dn. José Salvador Ferreiro Montenegro. D. Francisco García Prego. D. Manuel Rodríguez Doval. Dna Belén Abeal Pérez Dn. José Manuel Cendán Fernández. Dn. Francisco José Echevarría Lage. Dn. Fernando Otero Prieto. Dna. Mercedes Grande Regueiro. Dna. Josefina Martínez Martínez. D, Luis Cendán Fernández. <u>Sr. Secretario:</u> D. Manuel Larrosa Rodríguez.	No Salón de Sesións da Casa Consistorial do Concello de Ares, sendo as nove horas e catorce minutos do día vintetres de marzo de dous mil dez, previa convocatoria e citación ó efecto, reúnese o Concello Pleno en sesión ordinaria e primeira convocatoria, baixo a Presidencia do Sr. Alcalde-Presidente D. Julio Ignacio Iglesias Redondo, con asistencia dos Sres. Concelleiros que ó marxe se relacionan, actúa como Secretario, o que o é desta Corporación D. Manuel Larrosa Rodríguez.

Aberta a sesión pola Presidencia, entrase no estudio e discusión dos asuntos incluídos na Orde do Día, adoptáns polo Concello Pleno os seguintes acordos:

### **PUNTO UNICO.- MOCION DE APOIO Á MOVILIZACIÓN COMARCAL DO DÍA 27 DE MARZO.-**

Dase Conta da Moción de Apoio á Mobilización Comarcial do día 27 de marzo de 2010, asinadas polos Voceiros de todos os grupos Municipais, que seguinte se transcribe:

#### **“ MOCION DE APOIO Á MOBILIZACIÓN COMARCAL DO DÍA 27 DE MARZO**

As concelleirs e concelleiros abaixo asinantes, solicitamos a celebración dun **Pleno Extraordinario do concello**, motivado pola necesidade de facer un pronuncionamento coa



suficiente antelación –que non daría no Pleno Ordinario do día 25 á mobilización convocada para o 27 de marzo, propondo ao mesmo tempo os acordos que se recollen nesta Moción.

### **EXPOSICIÓN DE MOTIVOS.**

A Iniciativa Lexislativa Popular de fomento do sector naval galego, que promoveu na nosa Comarca Rumbo21 e que foi tomada en consideración por unanimidade no Parlamento galego a fins de decembro de 2009, tiña o obxectivo de mover a preocupación da nosa cidadanía a respecto da agonía do que noutros tempos foi un dos estaleiros máis importantes de Europa e tiña tamén a finalidade de impulsar desde a Cámara galega unha iniciativa que favorecerá unha acción do goberno da Xunta de Galicia e do Goberno do Estado a prol da reactivación do estaleiro de Fene como industria naval civil.

Coincidindo coa recollida de sinaturas e coa tramitación da ILP, en resposta a varias iniciativas parlamentarias, o presidente do Goberno español, adquiriu en tres ocasións o compromiso político perante o Pleno da Cámara de que desde a Presidencia da Unión Europea faría o traballo necesario para levantarle o veto á antiga Astano.

Por outra parte, en maio do 2009, o Congreso dos Deputados aprobou a seguinte resolución: “Apertura dun proceso negociador para revisar os acordos do ano 2004, que limitan até o ano 201 a actividade produtiva do estaleiro de Fene a tarefas auxiliares do estaleiro de Navantia-Ferrol, coa finalidade de que o estaleiro de Fene poida desenvolver plenamente as súas actividades productivas en todos os ámbitos da construción naval civil”.

Transcurrido case medio mandato da Presidencia da Unión Europea, Rodríguez Zapatero non realizou aínda ningunha xestión para suprimir as limitacións que pesan sobre o estaleiro de Fene. E non só iso, senón que o ministro de Industria declarou en dúas ocasións no Senado que o Goberno non decidiu aínda se pedirá á UE o fin do veto ao estaleiro de Fene e deixou ver, ademais, que o executivo español non tiña vontade de realizar ese traballo.

Esa é a razón pola que Rumbo21 tomou a iniciativa de impulsar unha gran mobilización comarcal o próximo sábado 27 de marzo, buscando a implicación do conxunto da sociedade e das diversas institucións, organización e asociación que a representan.

Por todo o anterior, recollendo a preocupación das máis de 18.000 persoas que asinaron a ILP, Rumbo21 solicita que a Corporación Municipal de Ares adopte os seguintes acordos:



**1.- Demandar do Presidente do Goberno do Estado que, aproveitando a Presidencia de turno da Unión Europea, e tal e como se tiña comprometido diante da Cámara, inicie xa as xestións políticas para o levantamento do veto á construción naval civil no estaleiro de Fene.**

**2.- Expresar o apoio da Corporación á mobilización comarcal que convoca Rumbo21 para o sábado 27 de marzo baixo o lema Pola creación de Emprego/ Por un sector naval con futuro /Levantamento do veto XA!**

**3.- Facer un chamamento institucional á cidadanía para que participe na manifestación do día 27 de marzo.”**

Aberto o turno de intervencións toma a palabra o Sr. Luis Cendán Fernández, manifestando que esta acordo.

O Sr. Echevarria Lage, manifesta que tamen esta acordo.

Interven o Sr. Rodríguez Doval, e di que esta de acordo, que é un acto coherente, e que se faga un chamamento a poboación mediante a colocación dun Bando e unha pancarta por parte do Concello.

O Sr. Manuel Cendán Fernández, manifesta que o seu grupo tamen vai a apoiar a proposta.

Sometida a votación o Concello Pleno por unanimidade acorda prestarlle a súa aprobación.

E non habendo máis asuntos para tratar e sendo as nove horas e dezasete minutos do día ó comenzo sinalado polo Sr. Alcalde Presidente levantase a sesión de todo o cal eu como Secretario dou fe.

O ALCALDE,

O SECRETARIO,